



Grad Sarajevo
City of Sarajevo

Bosna i Hercegovina - Federacija Bosne i Hercegovine
Kanton Sarajevo - GRAD SARAJEVO
GRADONAČELNIK

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-329/24
Sarajevo, 21.02.2024. godine

PRIMLJENO: 26-02-2024			
Organizaciona jedinica	Klasifikaciona oznaka	Redni broj	Broj priloga
14	09	9228	

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na 36. sjednici održanoj dana 21.02.2024. godine, donijelo je

ZAKLJUČAK

1. Gradsko vijeće Grada Sarajeva razmatralo je Nacrt Odluke o izmjenama i dopuni Odluke o upotrebi grba, imena i isticanju zastave Grada Sarajeva i upućuje ga u javnu raspravu u trajanju od 20 dana od dana upućivanja Nacrta Odluke u javnu raspravu.
2. Subjekti u javnoj raspravi su Federalno ministarstvo pravde, Ministarstvo pravde i uprave Kantona Sarajevo, gradske općine, klubovi gradskih vijećnika i drugi subjekti koji iskazuju interes.
3. Ovaj Zaključak, čiji je sastavni dio utvrđeni Nacrt Odluke iz stava (1), tokom trajanja javne rasprave bit će javno dostupan na službenoj internetskoj stranici Grada Sarajeva, putem poveznice istaknute na naslovnoj stranici pod naslovom „Poziv za javnu raspravu o Nacrtu Odluke o upotrebi grba, imena i isticanju zastave Grada Sarajeva“.
4. Primjedbe, prijedlozi i sugestije iznesene u diskusijama radnih tijela Gradskog vijeća i gradskih vijećnika, iznesene na sjednici Gradskog vijeća pri razmatranju Nacrta Odluke iz stava (1), tretirat će se kao prilog javnoj raspravi.
5. Za organizaciju i vođenje javne rasprave određuje se gradonačelnica Grada Sarajeva putem Gradske službe za opću upravu i zajedničke poslove.



PREDSJEDAVAJUĆI GRADSKOG VIJEĆA

Jasmin Ademović

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O IZMJENAMA I DOPUNI ODLUKE O UPOTREBI GRBA,
IMENA I ISTICANJU ZASTAVE GRADA SARAJEVA
(Nacrt)

Predlagač: Gradonačelnica
Obrađivač: Gradska služba za opću upravu
i zajedničke poslove

Sarajevo, februar 2024. godine

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 16. stav (3) Zakon o privrednim društvima („Službene novine Federacije Bosne i Hercegovine“, br. 81/15 i 75/21), člana 10. Zakona o udruženjima i fondacijama („Službene novine Federacije Bosne i Hercegovine“, broj 45/02), člana 31. Statuta Grada Sarajeva („Službene novine Kantona Sarajevo“, broj 7/23), Gradsko Vijeće Grada Sarajeva, na ____ sjednici održanoj dana ____ 2024. godine, donijelo je:

(Nacrt)

ODLUKU O IZMJENAMA I DOPUNI ODLUKE O UPOTREBI GRBA, IMENA I ISTICANJU ZASTAVE GRADA SARAJEVA

Član 1.

U Odluci o upotrebi grba, imena i isticanju zastave Grada Sarajeva („Službene novine Kantona Sarajevo“, broj 05/06 – prečišćeni tekst, broj 33/07 i 25/19) (u daljnjem tekstu: „Odluka“), u članu 7. mijenja se stav (1) i isti glasi:

„Upotreba imena Grada Sarajeva može se odobriti pravnim i fizičkim licima radi unošenja u firmu, odnosno naziv pravnog lica, radi unošenja u naziv proizvoda i naziv domena, ako njihova djelatnost, odnosno aktivnosti ne narušavaju ugled Grada Sarajeva i doprinosi njegovoj afirmaciji.“

Član 2.

U članu 8. mijenja se stav (2) i isti glasi:

„Uvjeti za odobravanje upotrebe grba Grada Sarajeva procjenjuju se u svakom konkretnom slučaju na osnovu tehničkog opisa (skice), svrhe upotrebe grba, kao i dokumenata koja se odnose na rad i djelatnost pravnog lica.“

Stav (3) člana 8. se briše.

Član 3.

Član 11. mijenja se i glasi:

„Rješenje o upotrebi grba i imena Grada Sarajeva može se ukinuti ako se grb ili ime upotrebljava protivno izdatim odobrenjima, odnosno ako se utvrdi da pravno lice svojom djelatnošću ili na drugi način šteti ugledu Grada Sarajeva.“

Član 4.

U članu 12. mijenja se stav (2) i glasi:

„Izuzetno, javnim preduzećima i drugim pravnim licima čiji osnivač je Grad Sarajevo, kao i pravnim licima čija djelatnost nije usmjerena na sticanje dobiti, a čija djelatnost je od posebnog društvenog interesa za Grad Sarajevo ili su proglašena udruženima od posebnog značaja za Grad Sarajevo, upotreba grba i imena Grada Sarajeva može se odobriti bez novčane naknade.“

Član 5.

U članu 16. dodaju se nove tačke f) i g) i iste glase:

„f) lista osiguranih lica izdata od strane Porezne uprave.

g) tehnički opis (skica) upotrebe grba i naznačena svrha upotrebe.“

Član 6.

Član 17. mijenja se i glasi:

„Pravnim licima koja ostvaruju prihod do 1 milion KM, a koja zapošljavaju do 10 radnika, utvrđuje se godišnja naknada za upotrebu imena u iznosu od 720,00 KM.“

Pravnim licima koja ostvaruju prihod do 10 miliona KM, a koja zapošljavaju do 30 radnika, utvrđuje se godišnja naknada za upotrebu imena u iznosu do 1.200,00 KM.

Pravnim licima koja ostvaruju prihod viši od 10 miliona KM, a koja zapošljavaju više od 30 radnika, utvrđuje se godišnja naknada u iznosu od 4.800,00 KM.

Fizičkim licima kojima je odobrena upotreba imena Grada Sarajeva u nazivu domena, utvrđuje se godišnja naknada u iznosu od 250,00 KM.

Pravnim licima čija djelatnost nije usmjerena na sticanje dobiti, utvrđuje se godišnja naknada za upotrebu grba ili imena Grada Sarajeva u iznosu od 100,00 KM.“

Član 7.

Član 18. mijenja se i glasi:

„Pravno lice kojem je odobrena upotreba grba ili imena Grada Sarajeva dužno je odmah obavijestiti donosioca rješenja o eventualnim statusnim promjenama, prestanku rada, kao i svim drugim promjenama koje se odnose na ispunjavanje svrhe za davanje odobrenja za upotrebu grba ili imena.

Pravno lice kojem je odobrena upotreba grba ili imena Grada Sarajeva je dužno, na zahtjev donosioca rješenja, a u svrhu periodične provjere ispunjavanja uslova i kriterija za utvrđivanje naknade po osnovu upotrebe grba ili imena Grada Sarajeva, dostaviti svu potrebnu dokumentaciju iz člana 16. ove odluke u roku koji ne može biti duži od 30 dana.“

Član 8.

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALAČI GRADSKOG VIJEĆA

Jasmin Ademović

Broj:

Sarajevo, __. __. 2024. godina

OBRAZLOŽENJE

PRAVNI OSNOV

Pravni osnov za donošenje ove Odluke sadržan je u odredbi člana 16. stav (3) Zakon o privrednim društvima („Službene novine Federacije Bosne i Hercegovine“, broj 81/15) kojom je propisano da firma može sadržavati naziv kantona, grada i općine i njihove izvedenice i skraćenice samo na osnovu odobrenja nadležnog kantonalnog, gradskog, odnosno općinskog organa određenog posebnim zakonom na području na kojem društvo ima sjedište. Pravni osnov je sadržan i u članu 10. Zakona o udruženjima i fondacijama („Službene novine Federacije Bosne i Hercegovine“, broj 45/02) kojim je propisano da se u naziv udruženja, odnosno fondacije ne mogu unositi nazivi grada i općine bez odobrenja gradonačelnika, odnosno općinskog načelnika. Članom 31. Statuta Grada Sarajeva („Službene novine Kantona Sarajevo“, broj 7/23) propisano je da Gradsko Vijeće Grada Sarajeva donosi odluke, druge propise i opće akte i daje njihovo tumačenje te je nadležno za upravljanje i raspolaganje imovinom Grada Sarajeva.

RAZLOZI DONOŠENJA

Odlukom o upotrebi grba, imena i isticanju zastave Grada Sarajeva („Službene novine Kantona Sarajevo“, broj 05/06 – prečišćeni tekst, broj 33/07 i broj 25/19) utvrđeni su uslovi i način upotrebe grba, imena i isticanju zastave Grada Sarajeva i propisan je način evidentiranja odobrenja za upotrebu grba i imena Grada Sarajeva. Istom Odlukom utvrđeni su i kriteriji za utvrđivanje naknade po osnovu upotrebe grba ili imena Grada Sarajeva. Uzimajući u obzir da je od donošenja Odluke prošao relativno dug vremenski period, a da su u periodu primjene Odluke nastajale situacije u kojima je potrebno preciznije regulirati način i kriterije za utvrđivanje naknade, pristupilo se donošenju Odluke o izmjenama i dopunama Odluke o upotrebi grba, imena i isticanju zastave Grada Sarajeva. Također, potrebno je propisati mogućnost periodične provjere ispunjavanja uslova i kriterija za utvrđivanje naknade po osnovu upotrebe grba ili imena Grada Sarajeva, obzirom da je uočeno da pravna lica kojima se odobri upotreba grba ili imena Grada Sarajeva ne obavještavaju donosioca rješenja o eventualnim statusnim promjenama, prestanku rada, kao i svim drugim promjenama koje se odnose na ispunjavanje svrhe za davanje odobrenja za upotrebu grba ili imena, a koja obaveza je sadržana u rješenjima kojima je odobrena upotreba.

FINANSIJSKA SREDSTVA

Sredstva za realizaciju ove odluke nisu potrebna.

Komisija za Statut i akte

Na osnovu člana 5. stav 1., u vezi sa članom 54. Zakona o lokalnoj samoupravi ("Službene novine Kantona Sarajevo", broj 22/00 - Prečišćeni tekst), te na osnovu člana 102. Poslovnika Gradskog vijeća Grada Sarajeva ("Službene novine Kantona Sarajevo", broj 46/98), Komisija za Statut i akte Gradskog vijeća Grada Sarajeva, na sjednici od 31. januara 2006. godine, utvrdila je prečišćeni tekst Odluke o upotrebi grba, imena i isticanju zastave Grada Sarajeva.

Prečišćeni tekst Odluke o upotrebi grba, imena i isticanju zastave Grada Sarajeva obuhvata: Odluku o upotrebi grba, imena i isticanju zastave Grada Sarajeva ("Službene novine Kantona Sarajevo", broj 11/04), Ispravku člana 7. Odluke o upotrebi grba, imena i isticanju zastave Grada Sarajeva ("Službene novine Kantona Sarajevo", broj 14/04) i Odluku o izmjenama i dopunama Odluke o upotrebi grba, imena i isticanju zastave Grada Sarajeva ("Službene novine Kantona Sarajevo", broj 31/05), u kojima je označen dan stupanja na snagu tih odluka.

Broj 01-02-265/06
31. januara 2006. godine
Sarajevo

Predsjedavajući
Komisije za Statut i akte
Gradskog vijeća
Grada Sarajeva
Alija Šaćić, s. r.

ODLUKA

**O UPOTREBI GRBA, IMENA I ISTICANJU ZASTAVE
GRADA SARAJEVA
(Prečišćeni tekst)**

I - OSNOVNE ODREDBE

Član 1.

Ovom odlukom određuju se uvjeti i način upotrebe grba, imena i isticanju zastave Grada Sarajeva i propisuje način evidentiranja izdatih odobrenja za upotrebu grba i imena Grada Sarajeva.

II - UPOTREBA GRBA I IMENA GRADA SARAJEVA

Član 2.

Korespondencija koju obavljaju gradonačelnik Grada Sarajeva i druga lica ovlaštena da istupaju u ime Grada Sarajeva vrši se na memorandumu sa otisnutim grbom Grada Sarajeva. Žig i štambilj Grada Sarajeva obavezno sadrže grb i ime Grada Sarajeva.

Član 3.

Upotreba grba može se odobriti trećim licima:

1. za unošenje grba u zaštićeni žig,
2. kao nezaštićeni znak i
3. kao amblem ili ukras.

Član 4.

Unošenje grba u zaštićeni žig može se odobriti privrednim društvima, javnim preduzećima, ustanovama, javnim ustanovama i drugim pravnim licima, u smislu propisa o robnim i uslužnim žigovima, ako su njihovi poslovi ili djelatnost od posebnog društvenog interesa za Grad Sarajevo.

Član 5.

Upotreba grba kao nezaštićenog znaka može se odobriti privrednim društvima, javnim preduzećima, ustanovama, javnim ustanovama, udruženjima i drugim pravnim licima (u daljnjem tekstu: pravna lica) radi stavljanja na sredstva javnog saobraćaja, službena vozila, reklamne ponove, prospekte i drugi propagandni materijal.

Član 6.

Upotreba grba kao amblema ili ukrasa može se odobriti pravnim licima ako je to u interesu Grada Sarajeva.

Član 7.

Upotreba imena Grada Sarajeva može se odobriti pravnim licima radi unošenja u firmu, odnosno naziv pravnog lica i unaziv proizvoda, ako njihova djelatnost ne narušava ugled Grada Sarajeva i doprinosi njegovoj afirmaciji.

Pod imenom Grada Sarajeva, iz stava 1. ovog člana, podrazumijeva se riječ Sarajevo u svim padežima i svim izvedenim oblicima, kao i sve skraćenicke riječi Sarajevo.

Uvjeti za odobravanje upotrebe imena Grada Sarajeva procjenjuju se u svakom konkretnom slučaju, na osnovu dokumenata koja se odnose na rad i djelatnost pravnog lica.

Član 8.

O zahtjevu za upotrebu grba i imena Grada Sarajeva rješava gradonačelnik Grada Sarajeva na prijedlog Gradske službe za lokalno postovanje i u skladu sa kriterijima za utvrđivanje naknade po osnovu upotrebe grba ili imena Grada Sarajeva.

Uz zahtjev kojim se traži odobrenje za upotrebu grba mora biti priložen tehnički opis (skica), kao i pobliže naznačena svrha njegove upotrebe.

Uz zahtjev kojim se traži odobrenje za upotrebu imena Grada Sarajeva moraju biti priložena dokumenta koja se odnose na rad i djelatnost pravnog lica.

Član 9.

U odobrenju iz prethodnog člana može se odrediti rok njegove važnosti i ograničiti upotrebu grba u određene svrhe.

Član 10.

Grb kao amblem ili ukras za koji je dato odobrenje za upotrebu u smislu člana 6. ove odluke mora se održavati u izvornom obliku.

Član 11.

Rješenje o upotrebi grba kao amblema ili ukrasa može se opozvati ako se grb upotrebljava protivno odredbama članova 9. i 10. ove odluke.

Rješenje o upotrebi imena Grada Sarajeva može se opozvati ako se utvrdi da pravno lice svojom djelatnošću ili na drugi način šteti ugledu Grada Sarajeva.

Član 12.

Za upotrebu grba i imena Grada Sarajeva pravna lica dužna su plaćati godišnju naknadu.

Izuzetno, naknadu iz prethodnog stava ne plaćaju javna preduzeća i druga pravna lica čiji je osnivač Grad Sarajevo, kao ni pravna lica koja obavljaju djelatnosti od posebnog društvenog interesa ili posebnog interesa za Grad Sarajevo.

Član 13.

Visinu i način plaćanja naknade i druge uvjete upotrebe grba i imena Grada Sarajeva utvrđuje gradonačelnik Grada Sarajeva rješenjem.

Na rješenje gradonačelnika iz stava 1. ovog člana dozvoljena je žalba, o kojoj u drugom stepenu rješava Gradsko vijeće Grada Sarajeva.

Gradonačelnik Grada Sarajeva rješenjem utvrđuje koja pravna lica iz člana 12. stav 2. ne plaćaju naknadu za upotrebu grba i imena Grada Sarajeva.

Član 14.

U slučajevima nepridržavanja obaveza, koje za korisnike grba i imena Grada Sarajeva po bilo kom osnovu proizilaze iz ove odluke, Gradska služba za lokalno postovanje predložit će gradonačelniku oduzimanje prava na dalju upotrebu grba i imena Grada Sarajeva, o čemu gradonačelnik odlučuje rješenjem.

Član 15.

O donesenim rješenjima za upotrebu grba i imena Grada Sarajeva vodi se posebna evidencija.

Evidenciju o upotrebi grba i imena Grada Sarajeva vodi Gradska služba za lokalno poslovanje o čemu jednom godišnje izvještava Gradsko vijeće Grada Sarajeva.

Evidencija iz prethodnog stava sadrži: naziv pravnog lica kome je dato odobrenje za upotrebu grba, odnosno imena Grada Sarajeva, broj i datum rješenja o odobrenju, način upotrebe grba, rok važnosti rješenja i broj i datum rješenja kojim je opozvano rješenje o upotrebi grba odnosno imena Grada Sarajeva.

III - KRITERIJI ZA UTVRĐIVANJE NAKNADE PO OSNOVU UPOTREBE GRBA ILI IMENA GRADA SARAJEVA

Član 16.

Pravna lica dužna su, uz obrazložen zahtjev za odobravanje upotrebe grba ili imena Grada Sarajeva, da prilože dokaz o ispunjavanju kriterija i to:

- izvod iz sudskog registra ili osnivački akt i ovjeren primjerak Statuta,
- programske ciljeve i način finansiranja, ako nisu sadržani u Statutu,
- tehnički opis - skicu ili model predmeta, proizvoda i slično,
- godišnji finansijski izvještaj - završni račun,
- ovjerenu kopiju javnih priznanja i nagrada koje su dobili za svoj rad - djelovanje, ako ih posjeduju.

Član 17.

Pravnim licima koja ostvaruju pozitivne poslovne rezultate, imaju mali obim poslovanja, produktivnost i dobit, a koja zapošljavaju do 10 radnika, utvrđuje se godišnja naknada za upotrebu grba ili imena Grada Sarajeva u iznosu od 720,00 KM.

Pravnim licima koja ostvaruju pozitivne poslovne rezultate, imaju srednji obim poslovanja, produktivnost i dobit, a koja zapošljavaju do 30 radnika, utvrđuje se godišnja naknada za upotrebu grba ili imena Grada Sarajeva u iznosu od 1.200,00 KM.

Pravnim licima koja ostvaruju pozitivne poslovne rezultate, imaju veliki obim poslovanja, produktivnost i dobit, a koja zapošljavaju više od 30 radnika, utvrđuje se godišnja naknada za upotrebu grba ili imena Grada Sarajeva u iznosu od 4.800,00 KM.

Pravnim licima čija djelatnost nije usmjerena na sticanje dobiti, utvrđuje se godišnja naknada za upotrebu grba ili imena Grada Sarajeva u iznosu od 100,00 KM.

Član 18.

Izuzeto od odredaba člana 17., naknadu za upotrebu grba ili imena Grada Sarajeva ne plaćaju javna preduzeća i druga pravna lica čiji je osnivač Grad Sarajevo i pravna lica koja obavljaju djelatnosti od posebnog društvenog interesa ili posebnog interesa za Grad Sarajevo.

Općinsko vijeće Komisija za Statut i propise

Na osnovu člana 121. Poslovnika Općinskog vijeća Centar Sarajevo - Prečišćeni tekst ("Službene novine Kantona Sarajevo", broj 23/04) i člana 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Komisija za Statut i propise, na Prvoj sjednici održanoj dana 23. januara 2006. godine, utvrdila je Prečišćeni tekst Odluke o naknadama vijećnicima i funkcionerima izabranim na dužnosti u Općinskom vijeću i članovima radnih tijela.

IV - ISTICANJE ZASTAVE

Član 19.

Zastava Grada Sarajeva ističe se na zgradama Grada Sarajeva i gradskih općina, u dane državnih praznika i na jubilejima duž ulica grada u dane praznika Grada Sarajeva. Zastava se može isticati i prilikom obilježavanja godišnjica i drugih manifestacija značajnih za Grad Sarajevo.

Zastava Grada Sarajeva stalno je istaknuta i na službenoj zgradi u kojoj je sjedište Gradskog vijeća i Gradske uprave Grada Sarajeva, a može biti istaknuta i na zgradi u kojoj predstavnici Grada Sarajeva primaju službenu posjetu stranih državnika ili se u njoj održava neka druga svečana priredba od značaja za Grad Sarajevo.

Zastava Grada Sarajeva ističe se i na međugradskim manifestacijama prijateljstva i saradnje, kao i na javnim priredbama na kojima se manifestuje Grad Sarajevo.

Zastava Grada Sarajeva u propisanoj ili umanjenoj veličini može se koristiti u službenim prostorijama Gradskog vijeća i Gradske uprave Grada Sarajeva.

Član 20.

Gradonačelnik Grada Sarajeva ima pravo odrediti da u svečanim prilikama zastava Grada Sarajeva bude istaknuta na službenom vozilu koje koristi i to u obliku zastavice u prikladnoj veličini.

V - NAKNADA ŠTETE

Član 21.

Pravna i fizička lica koja upotrijebe grb i ime Grada Sarajeva bez odobrenja nadležnog organa, ili koja protivno datom odobrenju i ovoj odluci zloupotrijebe grb i ime Grada Sarajeva, dužni su da Gradu Sarajevu naknade svu štetu koja je nastala takvim njihovim ponašanjem.

Za naknadu pričinjene štete iz stava 1. ovog člana pokrenut će se postupak pred nadležnim sudom i opozvati eventualno dato odobrenje za upotrebu grba i imena Grada Sarajeva.

Član 22.

Protiv pravnih i fizičkih lica iz prethodnog člana koja nakon opozivanja rješenja o odobravanju upotrebe grba i imena Grada Sarajeva nastave sa njihovom upotrebom, također će se pokrenuti postupak za naknadu pričinjene štete.

Član 23.

Postupak za naknadu štete pokrenut će se i protiv svakog lica koje namjerno ošteti grb ili zastavu u vrijeme njihove službene upotrebe ili ih javno izloži poruzi na bilo koji način.

VI - PRELAZNE I ZAVRŠNE ODREDBE

Član 24.

Nadzor nad sprovođenjem ove odluke vrši gradonačelnik.

OPĆINA CENTAR

Prečišćeni tekst Odluke o naknadama vijećnicima i funkcionerima izabranim na dužnosti u Općinskom vijeću i članovima radnih tijela obuhvata:

Odluku o naknadama vijećnicima i funkcionerima izabranim na dužnosti u Općinskom vijeću i članovima radnih tijela ("Službene novine Kantona Sarajevo", broj 10/01), Odluku o dopuni Odluke o naknadama vijećnicima i funkcionerima izabranim na dužnosti u Općinskom vijeću i članovima radnih tijela ("Službene novine Kantona Sarajevo", broj 18/02), Odluku o izmjenama Odluke o naknadama vijećnicima i funkcionerima izabranim na dužnosti u Općinskom vijeću i članovima radnih tijela ("Službene novine Kantona Sarajevo", broj 24/05) i Odluku o izmjenama Odluke o naknadama vijećnicima i funkcionerima izabranim na dužnosti u Općinskom vijeću i članovima radnih

GRAD SARAJEVO

Gradsko vijeće

Na osnovu člana 5. stav 1. u vezi sa članom 54. Zakona o lokalnoj samoupravi ("Službene novine Kantona Sarajevo", broj 22/00 - prečišćeni tekst) i člana 24. stav 1. tačka 2. Statuta Grada Sarajeva ("Službene novine Kantona Sarajevo", broj 12/98, 14/98 i 25/05), Gradsko vijeće Grada Sarajeva, na sjednici od 9. oktobra 2007. godine, donosi

ODLUKU

O IZMJENAMA ODLUKE O UPOTREBI GRBA, IMENA I ISTICANJU ZASTAVE GRADA SARAJEVA

Član 1.

U Odluci o upotrebi grba, imena i isticanju zastave Grada Sarajeva ("Službene novine Kantona Sarajevo", broj 5/06 - Prečišćeni tekst), u članu 8. stav 1., članu 14. i članu 15. stav 2., riječi: "Gradska služba za lokalno poslovanje" zamjenjuju se riječima: "nadležna služba", u odgovarajućem padežu.

Član 2.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-1996/07
23. oktobra 2007. godine
Sarajevo

Predsjedavajući
Gradskog vijeća
Murin Ivanišević, s. r.

Gradonačelnica

Na osnovu člana 65. Statuta Grada Sarajeva (Službene novine Kantona Sarajevo", broj 12/98, 14/98 i 25/05), gradonačelnica Grada Sarajeva donosi

PRAVILNIK

O KRITERIJIMA ZA RASPODJELU I DODJELU SREDSTAVA TEKUĆEG GRANTA U BUDŽETU GRADA SARAJEVA ZA SARADNJU SA GRADOVIMA I OPĆINAMA U BOSNI I HERCEGOVINI

Član 1.

Ovim pravilnikom utvrđuju se kriteriji za raspodjelu i dodjelu finansijskih sredstava tekućeg granta u Budžetu Grada Sarajeva za saradnju sa gradovima i općinama u Bosni i Hercegovini, kao i procedura apliciranja za dodjelu istih.

Član 2.

Sredstva iz člana 1. Pravilnika raspoređuju se za slijedeće namjene:

1. popravku i izgradnju infrastrukture, pomoć u uspostavi sigurnosnih sistema;
2. potrebe u oblastima zdravstvene zaštite i obrazovanja;
3. tradicionalne kulturne, sportske i vjerske manifestacije koje su masovnog karaktera;
4. pomoći povratnicima za održivi povratak;
5. obnova vjerskih objekata.

Član 3.

Korisnici sredstava su gradovi i općine na području Bosne i Hercegovine.

Član 4.

Podnosilac zahtjeva za korištenje budžetskih sredstava Grada Sarajeva za potrebe finansiranja saradnje sa gradovima i općinama u Bosni i Hercegovini, potrebno je da ispune slijedeće kriterije:

1. u ime Grada ili Općine zahtjev podnosi gradonačelnik-ca ili načelnik-ca Općine;
2. da je dostavljen plan aktivnosti, (naziv projekta, cilj, sadržaj, planirano vrijeme realizacije, mjesto realizacije i nosilac realizacije) sa naznačenom konstrukcijom finansiranja;
3. da su obezbijedjeni tehnički uslovi za realizaciju planirane aktivnosti;
4. da su obezbijedjeni ljudski i materijalni resursi neophodni za realizaciju planiranih aktivnosti;
5. da je dostavljen finansijski izvještaj za prethodnu godinu, ako su korištena budžetska sredstva Grada Sarajeva.

Član 5.

Gradovi i općine iz člana 3. ovog pravilnika dužne su zahtjeve za dodjelu sredstava podrške projektima iz člana 2. ovog pravilnika podneti Gradu Sarajevu - gradonačelniku-ci najkasnije do 30.11. tekuće godine, za narednu fiskalnu godinu.

Zahtjevi podneseni poslije roka utvrđenog u stavu 1. ovog člana prenijete se za razmatranje u narednoj godini.

Član 6.

Sve prispjele zahtjeve obrađuje Služba za lokalno poslovanje i razvoj grada Gradske uprave Grada Sarajeva i sa svojim stavovima i mišljenjem upućuje gradonačelniku-ci Grada Sarajeva na razmatranje.

Konačnu odluku o raspodjeli budžetskih sredstava donosi gradonačelnik-ca u skladu sa Odlukom o izvršenju Budžeta Grada Sarajeva.

Član 7.

Doznačavanje sredstava odobrenih u Budžetu Grada Sarajeva, korisnicima sredstava iz člana 3. ovog pravilnika, vrši se u skladu sa operativnim planovima i raspoloživim sredstvima u Budžetu Grada Sarajeva.

Član 8.

Korisnici sredstava dužni su dostaviti izvještaj o namjenskom utrošku sredstava doznačenih iz Budžeta Grada Sarajeva u roku od 15 dana od dana realizacije projekta (programa) ili aktivnosti, sa odgovarajućom dokumentacijom.

Član 9.

Redovan nadzor nad utroškom finansijskih sredstava vrši gradonačelnik-ca u skladu sa Uputstvom o primjeni odredaba Odluke o izvršavanju Budžeta Grada Sarajeva koja se odnose na pravljanje utroška sredstava dodijeljenih iz Budžeta Grada Sarajeva, prema Službe za lokalno poslovanje i razvoj grada i Službe finansija Gradske uprave Grada Sarajeva.

Član 10.

Rok propisan u članu 5. stav 1. ovog pravilnika neće se primjenjivati za 2007. godinu.

Član 11.

Izmjene i dopune Pravilnika vrše se na način i po postupku za njegovo donošenje.

Član 12.

Ovaj pravilnik stupa na snagu danom objavljivanja u "Službenim novinama Kantona Sarajevo".

Broj 01-14-5315/07
3. oktobra 2007. godine
Sarajevo

Gradonačelnica
Grada Sarajeva
Semih Borovac, s. r.

GRAD SARAJEVO

Gradsko vijeće

Na osnovu člana 26. stav 1. tačka 4. Statuta Grada Sarajeva ("Službene novine Kantona Sarajevo", broj 34/08), Gradsko vijeće Grada Sarajeva, na sjednici održanoj 29.05.2019. godine, donijelo je

ODLUKU

O RAZRJEŠENJU ČLANA RADNOG TIJELA
GRADSKOG VIJEĆA GRADA SARAJEVA

Član 1.

Merimu Balkić razrješava se dužnosti člana Komisije za pitanja mladih Gradskog vijeća Grada Sarajeva.

Član 2.

Ova Odluka stupa na snagu danom donošenja, a objavit će se u "Službenim novinama Kantona".

Broj 01-GV-02-653/19
29. maja 2019. godine

Predsjedavajući
Gradskog vijeća
Dr. Igor Gavrić

Na osnovu člana 26. stav 1. tačka 4. Statuta Grada Sarajeva ("Službene novine Kantona Sarajevo", broj 34/08), Gradsko vijeće Grada Sarajeva, na sjednici održanoj 29.05.2019. godine, donijelo je

ODLUKU

O RAZRJEŠENJU ČLANA RADNOG TIJELA
GRADSKOG VIJEĆA GRADA SARAJEVA

Član 1.

Senka Ibrahimbegović razrješava se dužnosti člana Odbora za urbanizam i upotrebu lokalnog zemljišta Gradskog vijeća Grada Sarajeva.

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-GV-02-652/19
29. maja 2019. godine

Predsjedavajući
Gradskog vijeća
Dr. Igor Gavrić

Na osnovu člana 26. stav 1. tačka 4. Statuta Grada Sarajeva ("Službene novine Kantona Sarajevo", broj 34/08), Gradsko vijeće Grada Sarajeva, na sjednici održanoj 29.05.2019. godine, donijelo je

ODLUKU

O IZBORU ČLANA RADNOG TIJELA GRADSKOG
VIJEĆA GRADA SARAJEVA

Član 1.

Sanela Holjan bira se za člana Komisije za pitanja mladih Gradskog vijeća Grada Sarajeva.

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-GV-02-655/19
29. maja 2019. godine

Predsjedavajući
Gradskog vijeća
Dr. Igor Gavrić

Na osnovu člana 26. stav 1. tačka 4. Statuta Grada Sarajeva ("Službene novine Kantona Sarajevo", broj 34/08), Gradsko vijeće Grada Sarajeva, na sjednici održanoj 29.05.2019. godine, donijelo je

ODLUKU

O IZBORU ČLANA RADNOG TIJELA GRADSKOG
VIJEĆA GRADA SARAJEVA

Član 1.

Aida Koluder-Agić bira se za člana Odbora za urbanizam i upotrebu lokalnog zemljišta Gradskog vijeća Grada Sarajeva.

Član 2.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-GV-02-654/19
29. maja 2019. godine

Predsjedavajući
Gradskog vijeća
Dr. Igor Gavrić

Na osnovu člana 16. stav 3. Zakona o privrednim društvima ("Službene novine Federacije BiH", broj 81/15), člana 10. Zakona o udruženjima i fondacijama ("Službene novine Federacije BiH", broj 45/02) i člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), Gradsko vijeće Grada Sarajeva, na sjednici od 29.05.2019. godine, donosi

ODLUKU

O DOPUNAMA ODLUKE O UPOTREBI GRBA, IMENA
I ISTICANJU ZASTAVE GRADA SARAJEVA

Član 1.

U Odluci o upotrebi grba, imena i isticanju zastave Grada Sarajeva ("Službene novine Kantona Sarajevo", broj 5/06 - Prečišćeni tekst i broj 33/07) u članu 3. dodaje se novi stav 1. koji glasi:

"Grb Grada Sarajeva propisan Odlukom o grbu i zastavi Grada Sarajeva ("Službene novine Kantona Sarajevo", broj 25/00) predstavlja spoj moderne i tradicionalne simbolike Sarajeva, te povezuje stare i nove simbole."

Član 2.

U članu 14. dodaje se novi stav 2. koji glasi:

"Pored oduzimanja prava na upotrebu grba i imena Grada Sarajeva iz stava 1. ovog člana, ukoliko pravno lice ima obavezu plaćanja naknade za upotrebu grba i imena Grada Sarajeva, pokrenuti će se i postupak pred nadležnim sudom za naplatu dospjelih a neizmirenih dugovanja."

Član 3.

U članu 19. dodaje se novi stav 1. koji glasi:

"Zastava Grada Sarajeva ističe se uz zastavu BiH, zastavu Kantona Sarajevo i zastavu gradskih općina u nizu prema nivou vlasti koji predstavljaju".

Član 4.

U članu 19. dodaje se novi stav 5. koji glasi:

"Zabranjeno je isticanje dotrajalih, neutrdnih, poderanih i na drugi način oštećenih zastava Grada Sarajeva".

Član 5.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-GV-02-656/19
29. maja 2019. godine
Sarajevo

Predsjedavajući
Gradskog vijeća
Dr. Igor Gavrić, s. r.

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst), Gradsko vijeće Grada Sarajeva, na 28. sjednici održanoj 29.05.2019. godine, donosi